

《大方廣圓覺修多羅了義經導讀》補充講表

◎附表二十五

○善男子！但諸聲聞所圓境界，身心語言，皆悉斷滅，終不能至彼之親證所現涅槃。

◆恐承前疑云：「未出輪迴而辯圓覺，彼圓覺性，即同流轉」。莫非得成聲聞人，已出輪迴者，想必能辯圓覺，不致流轉耶？故呼而示之曰：但諸聲聞所圓境界，於此大相遠也。

謂此人所圓滿取證的境界，蓋是以生空智，將現前身心語言，皆悉滅盡。所謂灰身泯智，使不復生，不復再來三界受生也。正是生空理所現涅槃，既云涅槃，何又說終不能至彼之親證？當知此種涅槃，是佛權說。故法華指為「化城，非寶所」也。若要親至，須再過二百由旬，方許實證所現涅槃也。此既終不能至，而妙圓覺心，說彼能辯，無是事也。

◆聲聞所證地位不一。初果及二三果，亦稱聲聞，是為有學聲聞；至四果，則為無學聲聞。如來圓覺境界，不但有學聲聞不能辯，即無學聲聞亦不能辯。蓋聲聞所證者，為生空智。

但見空，不見不空。果報身在時，所住者為有餘涅槃。果報身不在時，所住者為無餘涅槃。因但證偏空，不知真如妙理；灰身泯智，一切斷滅，以為止境，不知前途有路而不復進。其所證涅槃，尚在變易生死之中，不能辯微細生滅。故不能知如來清淨涅槃境界。

○何況能以有思惟心，測度如來圓覺境界？如取螢火燒須彌山，終不能著；

◆先法說。謂彼小聖尚無是事，何況凡夫劣於聲聞，有思惟心，劣生空智，反欲測度如來境界，斷乎不能，故以喻而形之。後喻顯，螢火，似火非真。喻有作思惟，不過世智辯聰，非是出世正慧。既非是火，取以燒物，則是徒勞。喻凡夫用思惟心，希求人天福報，終屬虛妄。須彌居四洲之中，燒者須待劫火。螢火欲燒，終無著理。喻圓覺居四智之總，證此唯憑佛智。彼有作思惟，相去遠矣。有志圓覺者，應鑑此喻。

◆聲聞見思惑已盡，分段生死已出，尚不能辯圓覺，何況凡夫之有思惟心者！思惟是第七識。凡夫三惑尚在，縱有智慧，不越世間麤智，皆由分別心中流出。何能測度如來圓覺

境界！螢火非火，喻凡夫有思惟心，非屬真心。劫火喻佛智，須彌山須劫火方燒，喻圓覺須佛智方證。

○以輪迴心，生輪迴見，入於如來大寂滅海，終不能至。

◆佛意以我前所說種種取捨，皆是輪迴。而金剛藏菩薩雖非凡夫，若據彼所難，乃是以輪迴心，生輪迴見。「入於如來大寂滅海」：不言圓覺云海者，為避繁文，特約境界言之。橫豎賅窮曰大。寂，無聲也，不可以言詮故。滅；無形也，不可以相顯故。體備眾德，用賅萬有，故喻之以海。海無涯涘，境界若此，豈可以輪迴心入乎？故云終不能至。剛藏聞之，宜自知所難無益矣。

◆生而滅，滅而生，輪轉不息。以生滅心，起生滅知見，欲入如來大寂滅海，如何能至？圓覺是真智，寂滅是真理。寂者口不能辯。滅者心不能思。無法不具，圓包諸法，故名曰海。由此觀之，上述三難，皆是生滅知見，究何所益？故曰終不能至。須知一部圓覺，

無非達摩直指之禪；離言說相，離名字相。悟尚不可得，更何論於迷乎？

○是故我說一切菩薩，及末世眾生，先斷無始輪迴根本。

◆承上而言，用輪迴心，入寂滅海，終不能至之故。所以我於諸經中，常作如是說也。菩薩眾生，通指發菩提心修大乘行者而言。先斷者，急先務故。所謂知所先後，則近道矣。

◆無始輪迴根本：即指用攀緣心為自性者。一切經中，皆說斷故。楞嚴云：無始生死根本等。故佛告阿難，一切眾生，生死相續，皆由不知常住真心，用諸妄想。凡此皆令斷之。

◆無始生死輪迴根本者，即現前一念之攀緣心是也。若不先斷此念，則無下手用功處。蓋此一念放不下，正知正見，何由顯現。故佛說真實用功，必須將現前一念放下，即所謂離念是也。禪家祖師教人離心意識參，亦即先斷此輪迴根本也。

◆現前一念之攀緣心：指第六識。

○善男子！有作思惟，從有心起，皆是六塵妄想緣氣……復結空果；展轉妄想，無有是處。

◆有作思惟者，如識因塵有，根對境而起種種分別也。從有心起者，謂以有識心分別故，乃能起作無休。生死輪迴，無不由之。故教令先斷，非無謂也。皆是句，謂能起之心，及所起之思，皆是於六塵境上，現起虛妄之想，有能緣之氣分，於中積聚。非實心體，名為妄想。故喻如空華，以顯無實體也。佛境即圓覺，是佛親證之境界故。金剛藏之難，意皆為辯佛境，殊不知終不能辯。故喻如空華結空果，義相似也。以妄想辯佛境，豈非5類於期空華結空果乎？前云未出輪迴而辯圓覺，彼圓覺性，即同流轉。故云展轉妄想。若必以此而欲明圓覺，斷乎不可。故曰：無有是處。

◆不能離念，則生滅心用事，雖有妙道，終不能得。因無論如何，皆是有作思惟也。有作思惟者，從作意而知。係由第六識起，對境方照，離境即無。此非真心，亦非妄心，乃是六塵妄想緣氣。所謂緣氣者，以能緣之妄想，攀六塵之緣影，能所互合，昏擾擾相，

屬於氣分。並無生滅之相，乃生滅之影也。凡夫當前亂想，皆屬此種，故曰：非實心體，已如空華。《楞嚴經》所謂「前塵虛妄相想」，即此也。今用此有作之心，辯於圓覺。圓覺乃清淨境界，涅槃菩提，二皆無有，更何有此六塵緣氣？莫道不能辯，縱辯得明白，亦只是妄想流出之名言耳。故曰：無有是處。

第六識所變法塵之影像

※蕩益大師於《大佛頂經文句》卷第一云：「前塵虛妄相想，正圓覺所謂六塵緣影是也。六塵是識家相分，今此但是六塵之影，現於見分中者，尚非識之見分，況是自證、證自證耶？而誤認以為心，非惟不是真心；亦復不是妄心矣，故直斥之曰：此非汝心也。若夫識之見分，則靈明昭徹，無體無相，雖全在妄，亦更無此影像可得。……是知阿難所計，雖曰能推，實則僅是所推影子，決非真能推者。以能推者，實無體相可得故也。後世不達，即指此緣影以為六識，其亦不知六識甚矣。」

※《大佛頂經文句》卷第一云：「阿難雖以能推為心，實是所推影子。非真能推者。」